


tinentis terminus C hic insignitus, podici conferri possit.

- I, K Sedes duæ, quibus dorsalis medullæ initium cerebello adnascitur.  
 L, M, N, O Cavitæ dorsalis medullæ initij, alteram partē quarti uentriculi constituens, atq; ab Herophilo calami cavitati assimilata, quam atramento scribentes intingimus. Sedes enim L insignita eius calami cavitatis parti respondet, quæ indici scribentis proxima est. M autem & N angulis illis assimilari possunt, quæ in cavitatis calami lateribus consistunt. O uero mucronem exprimit, quo characteres formamus.  
 P Dorsalis medulla hic præsecta est, quæ in uerthebras procidens caluariam egreditur.

VNDECIMA SEPTIMI LIBRI  
FIGVRA



VNDECIMAE FIGVRAE, EIVSDEMQUE CHARACTERUM INDEX.


HAC figura cerebellum à caluaria, ipsaq; adeo dorsali medulla auulsum & supinum iacet, humiliorem ipsius sedem qua dorsalem spectat medullæ cōmonstrans. Ac proinde regiones ipsius quibus dorsali medullæ continuatur, ac sinum in super ostendit, qui alteram portionē efformat quarti uentriculi seu sinus, cerebello & dorsali medullæ communis. Porro ad humiliorem præsentis figuræ sedem fines pinximus mediæ partis cerebelli, ut processuum uermis imaginem referentium natura conspiceretur.

- A Dextra cerebelli pars tenui membrana cerebellum inuestienti liberum, uti etiam totum cerebellum hic ea membrana denudatum commonsratur.  
 B Sinistra cerebelli pars.  
 C, c Media cerebelli pars, ac C notat huius partis anteriorem regionem, c uero posteriorem.  
 D, d Fines terminiq; mediæ partis cerebelli: quorum anteriorem D indicat, posteriorem uero d.  
 E Cerebelli sinus, qui cum dorsalis medullæ sinu quartum nobis appellatum cerebri uentriculum constituit.  
 G, G His sedibus cerebellum dorsali medullæ adnascitur.  
 H Anterior finis mediæ partis cerebelli hic, ac si ab alio cerebello is resectus esset, expressus.  
 I Posterior finis mediæ partis cerebelli, à cerebello quoq; excelsus.

DVO.

DVODECIMA SEPTIMI LIBRI

FIGVRA.



DVODECIMAE FIGVRAE, EIVSDEMQUE CHARACTERUM INDEX.

HAC figura caput à sinistro latere exprimitur, dextro nonnihil subleuato. Ex caluariae autem amplitudine cerebellum hic euulsum, ea tantum cerebri relicta portione, quæ in octaua & nona figuris adhuc seruabatur. Verum illa cerebri portio hic in sua non consistit sede, sed eleuata est, & in posteriora ab ipsa caluariae basi aliquousque reflexa, ut tandem in conspectum uenirent cerebri processus forma neruis non ab similes, et olfactus organo subministrantes: quorum sinister è sua sede cum ipso cerebro eleuatus est, dextro adhuc duræ cerebri membranae qua octauo capitis ossi obducitur, connexo.

- A, A Cerebri pars dextra.  
 B, B Sinistra cerebri pars, tenui membrana adhuc quemadmodum & dextra pars obuoluta.  
 C Dextrum olfactus organum in sua sede adhuc seruatum.  
 D Sinistrum olfactus organum, una cum cerebro in posteriora reflexum.  
 E Sinus, cui sinistrum olfactus incumbit organum. eaq; regio duræ membranae hic indicatur, quæ odoratus nomine hac in sede multis, sed exiguis foraminibus peruia cernitur.  
 F Vena caluariam petentium sexta, hic in duram cerebri membranam aliquot furculis excurrens.  
 G Septum sinus olfactus organis incisos interduidens.  
 H Duræ cerebri membranae partis portio, quæ dextram cerebri partem à sinistra dirimit.  
 I, I Cerebrum passim excavata sibi in caluaria amplitudini respondens, hic quoque ad frontis ossis regionem sibi insculptis cauernis congruit, & leuibus tuberibus prominet, quæ alij mamillares cerebri uocantur processus.  
 K Vena caluariam petentium quinta, cui iter præbet foramen secundo neruorum pari exsculptum.  
 L, ut & subsequentes characteres, in umbra occipitij cavitatis latitat, & parui etiam est momenti, quandoquidem L caluariae sinum indicat, cui dextra cerebelli pars congruit. M sedem, N, O. quæ mediam cerebelli partem respicit. N sinum, in quem sinistra cerebelli pars reponitur. O uero dextrum seu primum sinum indicat duræ membranae. P autem tertium, Q secundum, seu sinistrum.

Ff 3 DECL.